



**Broj: 01-57/13**  
**Vareš, 28.02. 2013. godine**

**Z A P I S N I K**  
**s 4. sjednice Općinskog vijeća Vareš,**  
**održane 29.01. 2013. godine**

Zdravko Marošević – predsjedavajući Općinskog vijeća Vareš, otvorio je 4. sjednicu s početkom u 09,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Dženana Bešić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

**Odsutni** – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, ispred Službe za privredu i finansije – Brano Šurkić, predsjednici političkih stranaka, poslanik u Skupštini ZDK – Fahrudin Brkić, ispred OSCE Terenski ured Zenica – Dragan Vuković i Edward Noel-Hill, ispred Elektro distribucije Vareš – Tomo Lučić, predstavnici Komune Flen – Mladen Papec, Nicklas Vitt i Michael Larsson, predstavnica nevladinog sektora „Let' s do it Vareš“ – Mirela Erlbek i predsjednik MZ Vareš Enver Fetišević

Sekretar OV Leon Pavlović izvijestio je Vijeće o realizaciji Zaključaka sa 3. sjednice OV održane 27.12.2012. godine. Na 3. sjednici OV donijelo je (8) osam Zaključaka, sedam (7) Zaključaka je realizovano, dok se realizacija jednog zaključka očekuje u julu mjesecu tekuće godine. Na istoj sjednici postavljena su tri (3) vijećnička pitanja na koja su nadležne Službe u pismenoj formi dostavile odgovor vijećnicima. na sva tri pitanja.

Općinski načelnik Avdija Kovačević u okviru aktuelne problematike na području općine Vareš za današnju sjednicu nije imao obraćanja.

## *(Vijećnička pitanja)*

### **Selak Goran**

1. U ime građana općine Vareš postavio je pitanje Općinskom načelniku – Kada će se krenuti u realizaciju intenzivnog rješavanja spornog pitanja liječenja građana Vareša u zdravstvenim ustanovama u Sarajevu?

**Vijećnica Mahira Brkić** javila se za riječ i u skladu sa članovima 104-107 Poslovnika o radu OV, predložila Vijeću Inicijativu za osnivanje Poslovnih zona, o tome je dala i obrazloženje.

**Vijećnica Dženana Bešić** javila se za riječ i sugerisala da se u skladu sa Poslovníkom o radu OV, izlaganje vijećnice Mahire Brkić prenese i razmatra pod tačkom „Tekuća pitanja.“

**Predsjedavajući OV** je konstatovao da će se prijedlog vijećnice Mahire Brkić prezentovati i razmatrati pod tačkom „Tekuća pitanja“ današnje sjednice.

### **Demo Kevrić**

2. Da li postoji mogućnost da se obezbjede prostorije za rad stranke BPS-Sefer Halilović, jer već godinu dana stranka nema prostorije u kojima bi održavala sastanke?

### **Elvir Rožajac**

3. Što će Općina Vareš učiniti u novoj prekompoziciji Federacije, vezano za to gdje mi iz općine Vareš želimo da pripadamo? Pitanje upućeno Općinskom načelniku

Predsjedavajući OV stavio je na raspravu zapisnik sa 3. sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 3. sjednice OV i nakon izjašnjavanja vijećnika konstatovao da je **zapisnik sa 3. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 4. sjednicu OV.

Nije bilo rasprave i predsjedavajući OV stavio je na izjašnjavanje prijedlog dnevnog reda 4. sjednice OV, te nakon izjašnjavanja vijećnika konstatuje da je **jednoglasno usvojen s l i j e d e ć i**

### *Dnevni red*

1. **Prijedlog Etičkog kodeksa vijećnika u Općinskom vijeću Vareš.**
2. **Prijedlog Programa rada Općinskog načelnika za 2013. godinu.**
3. **Prijedlog Odluke o utvrđivanju platnih razreda i koeficijenata za obračun plaća državnih službenika i namještenika u Jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika.**
4. **Prijedlog Odluke o osnivanju Zajedničkog općinskog pravobranilaštva.**
5. **Prijedlog Odluke o utvrđivanju platnih razreda i koeficijenata za obračun plaća u Općinskom pravobranilaštvu Vareš.**
6. **Prijedlog Odluke o prosječnoj građevinskoj cijeni 1m<sup>2</sup> korisne stambene površine na području općine Vareš za 2012. godinu.**

7. Prijedlog Odluke o gubitku statusa javnog dobra u općoj upotrebi.
8. Prijedlog Odluke o visini naknade za uspostavljenje prava služnosti na zemljištu u državnom vlasništvu kojim upravlja i raspolaže Općina Vareš.
9. Prijedlog Odluke o izmjeni i dopuni Odluke o građevinskom zemljištu.
10. Nacrt Odluke o davanju u zakup stanova Općine Vareš.
11. Prijedlog Rješenja o utvrđivanju prava korištenja u korist Botić (Zaima) Abdulaha iz Vareša, ul. Pruga.
12. Prijedlog Rješenja o prestanku prava korištenja na gradskom zemljištu DI "Zvijezda" d.d. Vareš.
13. Prijedlog Rješenja o vraćanju u prvobitno stanje upisa u zemljišnim knjigama po Rješenju OV Vareš, broj: 01-131/99 od 04.10.1999. godine.
14. Prijedlog Zaključka o davanju saglasnosti za deponovanje smeća sa područja općine Breza na deponiju „Kota“ Vareš.
15. Prijedlog Zaključka o izradi prečišćenog teksta Odluke o komunalnim taksama.
16. Prijedlog Zaključka o izradi prečišćenog teksta Odluke o utvrđivanju standarda i kriterija za imenovanje na pozicije u regulirane organe.
17. Prijedlog Zaključka o prihvatanju Inicijative Općinskog načelnika o pokretanju postupka za prekategorizaciju puteva.
18. Informacija o stanju napajanja električnom energijom na području općine Vareš i mjerama na poboljšanje iste.
19. Informacija o realizaciji Programa kapitalnih ulaganja na području općine Vareš u 2012. godini.
20. Izvještaj o provođenju Programa finansiranja komunalnih djelatnosti u 2012. godini.
21. Informacija o stanju kanalizacione mreže u gradu i mjesnim zajednicama u kojima postoji kanalizaciona mreža.
22. Izvještaj o realizaciji programa rekonstrukcije, izgradnje i obnove lokalnih i nerazvrstanih cesta za 2012. godinu.
23. Tekuća pitanja.

#### **Ad. 1.**

*(Prijedlog Etičkog kodeksa vijećnika  
u Općinskom vijeću Vareš.)*

Etička komisija na 1. sjednici održanoj 17.01.2013. godine jednoglasno je donijela slijedeće

#### **Zaključke:**

1. Etička komisija nema primjedbi na Prijedlog Etičkog kodeksa vijećnika u Općinskom vijeću Vareš, te ga upućuje OV na usvajanje.

## **2. Po usvajanju Etičkog kodeksa, Etička komisija će pristupiti izmjenama i dopunama Poslovnika o radu Etičke komisije.**

Predlagач nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Etičkog kodeksa vijećnika u Općinskom vijeću Vareš.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

### ***Etički kodeks vijećnika u Općinskom vijeću Vareš.***

#### **Ad. 2.**

*(Prijedlog Programa rada  
Općinskog načelnika za 2013. godinu.)*

Otvorena je rasprava u kojoj su svoje primjedbe, sugestije i mišljenja iznijeli vijećnici: Elvir Rožajac, Safeta Muftić, Mario Mirčić, Đemo Kevrić, Boško Andrić i Općinski načelnik koji je dao komentare na pojedina izlaganja vijećnika u raspravi i odgovorio na neka pitanja postavljena u raspravi.

Izjavio je da će sve primjedbe i sugestije koje su vijećnici predložili biti uvažene i ugrađene u Program rada Općinskog načelnika za 2013. godinu i napomenuo da je dosta iznesenih prijedloga i sugestija u raspravi, stalna aktivnost organa uprave i one se svakodnevno izvršavaju.

U vezi postavljenog pitanja vijećnika Selak Gorana, koje se odnosi na mogućnost liječenja građana općine Vareš u Sarajevskom kantonu, dao je odgovor da je to naš posao i naše problemsko načelo i mi smo se definitivno opredijelili da ćemo učiniti sve što je sa naše strane, a što je u skladu sa pozitivnim zakonskim propisima, da se obezbjedi nesmetano liječenje svim građanima općine Vareš u Sarajevskom kantonu.

U vezi iznesene Inicijative za osnivanje poslovnih zona od strane vijećnice Mahire Brkić, izjavio je da bi se ispunili određeni kriteriji za definisanje industrijskih zona, mi moramo dokazati da imamo cjelovitu nekretninu od 30 dunuma da bi smo mogli da dobijemo 400.000 KM u tri etape i mi ćemo to uraditi na više industrijskih zona, a danas zvanično počinjemo sa definisanjem jedne industrijske zone.

U vezi izlaganja vijećnika Elvira Rožajac koje se odnosilo na opremanje hitne pomoći, odnosno sufinansiranje, izjavio je da je u dogovoru sa direktorom JU Dom zdravlja Vareš, zakazan sastanak na kome će se utvrditi analiza finansijskih podataka potraživanja/dugovanja između Općine Vareš i JU Dom zdravlja Vareš, kako bi se utvrdilo stvarno činjenično stanje i pristupilo planiranju realizacije aktivnosti u prvoj polovini tekuće godine.

U vezi izlaganja vijećnice Safete Muftić koje se odnosi na to što Općina Vareš nudi potencijalnim investitorima, izjavio je da će svi benefiti koje lokalna zajednica ima pravo da ponudi, biti i ponuđeni. Mišljenja je da općina Vareš ima intelektualnog kapaciteta. Najave i konkretne dolaske od pojedinih investitora i aktivnosti u tom smislu već su u toku i na nekoj od narednih sjednica, Vijeće će biti konkretno upoznato o svim aktivnostima.

U vezi izlaganja vijećnika Maria Mirčić koje se odnose na rješavanje problema parking prostora, javne rasvjete i gradskog groblja izjavio je da je pitanje rješavanja parking prostora jako problematično i da se taj problem treba riješiti kroz izradu cjelovitog urbanističkog plana i programa, a neke određene aktivnosti u vezi ovog problema koje se mogu prijevremeno uraditi, u skladu sa mogućnostima, pokušat će se i realizovati. U vezi javne rasvjete izjavio je da će u I kvartalu tekuće godine biti raspisan javni poziv i javni natječaj za izradu kvalitetne projektne dokumentacije na osnovu koje bi se uradilo cjelovito

rješenje, ne samo za grad, nego i za prigradska naselja i sve mjesne zajednice općine Vareš. U toku je aktivnost oko iznalaženja kvalitetnog rješenja zemljišta za rješavanje problema gradskog groblja.

U vezi izlaganja vijećnika Boška Andrić koje se odnosi na problem u Maloj Rijeci, o čemu je vijećnik u izlaganju dao i objašnjenje, Općinski načelnik je izjavio da je upit poslan i da je dostavljen odgovor, te da se isti može dostaviti vijećnicima na uvid. U vezi vještačkih jezera (Veovača, Mala Rijeka i Smreka) izvijestio je da je japanska vlada odlučila da se uključi u rješavanje problema jezera Veovača. Mišljenja je da će se uz pomoć japanske vlade taj problem i riješiti, te da se početkom aprila mjeseca očekuje dolazak japanskih stručnjaka koji će pokrenuti elaborat, i na osnovu tog elaborata, ministarskog vijeća BiH i resornog ministarstva Vlade Federacije, početak će se konačno sa sanacijom jezera Veovača. Aktivnosti oko rješavanja problema „Bazena“ su započete i Općina Vareš će aplicirati sa Programom na jednom od tendera koji će biti raspisan ove godine u vezi koga je počela i priprema potrebne dokumentacije.

Općinski načelnik je pozvao sve one koji imaju prijedloge za dopunu Programa rada Općinskog načelnika, a koji nisu izneseni u raspravi, da iste dostave pismenim ili usmenim putem.

Zaključena je rasprava i predsjedavajući OV stavio je na izjašnjavanje Prijedlog Programa Općinskog načelnika za 2013. godinu sa svim iznesenim primjedbama i sugestijama vijećnika u raspravi a prihvaćenim od strane Općinskog načelnika.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

***Program rada Općinskog  
načelnika za 2013. godinu.***

**Ad. 3.**

*(Prijedlog Odluke o utvrđivanju platnih razreda  
i koeficijenata za obračuna plaća državnih službenika i  
namještenika u Jedinostvenom općinskom organu Općine  
Vareš i Stručnoj službi Općinskog vijeća i Općinskog načelnika.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

**Zaključak:**

- **Komisija za statutarna pitanja i propise predlaže da se u preambuli brišu članovi 20. i 21. te da se iza člana 60. dodaju riječi „stav 2.“, da se u članu 2. Prijedloga Odluke doda novi platni razred koji se odnosi na šefa kabineta rukovoditelja sa koeficijentom 4.60., te da na kraju Prijedloga Odluke stoji tekst „Odluka objavljena na oglasnoj tabli Općine Vareš \_\_\_\_ . 2013. godine.“ Komisija nije imala više primjedbi na Prijedlog Odluke o utvrđivanju koeficijenata za obračun plaća državnih službenika i namještenika u Jedinostvenom općinskom organu uprave Općine Vareš i Stručnoj službi Općinskog vijeća i Općinskog načelnika, te je sa usvojenim izmjenama upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe, stavove i mišljenja iznijeli vijećnici: Mario Mirčić, Mahira Brkić, Đemo Kevrić, Zdravko Barkić, Ismet Abdulahović, Općinski načelnik, predsjedavajući OV i pomoćnik načelnika Zihinja Krnjić.

Vijećnik Mario Mirčić ispred Hrvatske koalicije HDZ-HSS-NHI predložio je slijedeći amandman.:

- da se u členu 2. Odluke u prvom redu riječ „šest“ zamijeni sa riječju „sedam, te da se u istom členu dodaju riječi: „ I platni razred-koeficijent 5,20 a da se ostali platni razredi u ovom členu numerički pomjere tako da I bude II i tako do broja sedam platnog razreda,
- u členu 3. Odluke da se dodaju riječi „I platni razred-sekretar/tajnik Općinskog vijeća“, te da se ostali platni razredi numerički pomjere kao u členu 2..

O predloženom amandmanu vijećnik je dao i obrazloženje.

Vijećnik Đemo Kevrić ispred Kluba vijećnika BPS predložio je slijedeći amandman:

- da se u členu 2. Odluke briše IV platni razred koeficijent 4,10-stručni savjetnik
- da Općinski načelnik da saglasnost o povećanju koeficijenta za radno mjesto sekretar OV u odnosu na radno mjesto pomoćnika načelnika, ukoliko to neće stvarati problem prilikom izvršenja budžeta koje se odnosi na bruto plaće uposlenika u Jedinstvenom općinskom organu.

O predloženom amandmanu vijećnik je dao i obrazloženje.

Općinski načelnik Avdija Kovačević izjavio je da prihvata amandman Komisije za statutarna pitanja i propise i amandman Kluba koalicije HDZ-HSS-NHI i predložio Vijeću da Odluku usvoji uz izmjenu člana 2. i člana 3. Odluke, u smislu da član 2. glasi:

**„Državni službenici razvrstavaju se u osam (8) platnih razreda i za svaki platni razred utvrđuju se koeficijenti za obračun plaće i to:**

<b>I platni razred koeficijent</b>	<b>5,20</b>
<b>II platni razred koeficijent</b>	<b>4,85</b>
<b>III platni razred koeficijent</b>	<b>4,60</b>
<b>IV platni razred koeficijent</b>	<b>4,50</b>
<b>V platni razred koeficijent</b>	<b>4,30</b>
<b>VI platni razred koeficijent</b>	<b>4,10</b>
<b>VII platni razred koeficijent</b>	<b>3,90</b>
<b>VIII platni razred koeficijent</b>	<b>3,70</b>

**a član 3. da glasi:**

**U platne razrede utvrđene u členu 2. ove Odluke razvrstavaju se sljedeća radna mjesta:**

<b>I platni razred</b>	<b>- sekretar/tajnik Općinskog vijeća</b>
<b>II platni razred</b>	<b>- pomoćnici Općinskog načelnika</b>
<b>III platni razred</b>	<b>- šef kabineta Općinskog načelnika</b>
<b>IV platni razred</b>	<b>- šef unutrašnje organizacione jedinice (VSS/VII)</b>
<b>V platni razred</b>	<b>- inspektor</b>
<b>VI platni razred</b>	<b>- stručni savjetnik</b>
<b>VII platni razred</b>	<b>- viši stručni saradnik</b>
<b>VIII platni razred</b>	<b>- stručni saradnik</b>

Općinski načelnik je također podsjetio i upoznao prisutne sa sadržajem Informacije o osnovici za obračun plaća koja će biti ponuđena Sindikatu na usaglašavanje, a koju su

vijećnici dobili prije početka današnje sjednice OV. Osnovica za obračun plaća biće ponuđena u maksimalnom iznosu od 220,00 KM i mišljenja je da će se postići dogovor sa Sindikatom.

Predsjedavajući OV pozvao je vijećnika Đemu Kevrić da se izjasni da li amandmani koje je prihvatio Općinski načelnik, zadovoljavaju predložene amandmane koji su predloženi ispred Kluba BPS.

Vijećnik Đemo Kevrić podsjetio je prisutne da je ispred Kluba tražio od Općinskog načelnika suglasnost o povećanju koeficijenta za obračun plaća za sekretara OV ako to povećanje neće prekoračiti planirana sredstva u budžetu za bruto plaće u Jedinственном općinskom organu, poslije toga da se vidi mogućnost o povećanju platnih razreda, odnosno njihovi nazivi. Traži obrazloženje da li za uvođenje dva nova platna razreda imaju planirana sredstva u budžetu.

Općinski načelnik javio se za riječ i dao dodatno pojašnjenje a vezano za zakonsku obavezu donošenja Odluke i podsjetio je na zaključak Komisije za statutarna pitanja i propise.

Vijećnica Mahira Brkić javila se za riječ i zatražila odgovor na postavljeno pitanje u raspravi, a u vezi visine osnovice za obračun plaća koja će se primjenjivati ukoliko se ne postigne dogovor sa Sindikatom.

Ispred predlagača Zihnija Krnjić pomoćnika načelnika dao je dodatno pojašnjenje.

Općinski načelnik javio se za riječ i odgovorio na postavljeno pitanje vijećnice Mahire Brkić, u slučaju da se ne postigne dogovor sa Sindikat, primjenjivat će se postojeća osnovica od 110,00 KM koja je potpuno nezakonita.

Predsjedavajući OV pozvao je sve vijećnike da se izjasne ako imaju nejasnoća u vezi datih prijedloga.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju koeficijenata i platnih razreda za obračun plaća državnih službenika i namještenika u Jedinственном općinskom organu uprave Općine Vareš i Stručnoj službi Općinskog vijeća i Općinskog načelnika sa prihvaćenim Zaključkom Komisije za statutarna pitanja i propise i amandmanom koji je prihvatio Općinski načelnik, predloženim od strane Kluba Hrvatske koalicije HDZ-HSS-NHI.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 3 „SUZDRŽANA glasa usvojena**

***Odluka o utvrđivanju koeficijenata i platnih razreda  
za obračun plaća državnih službenika i namještenika  
u Jedinственном općinskom organu uprave Općine  
Vareš i Stručnoj službi Općinskog Vijeća i Općinskog načelnika.***

#### **Ad. 4.**

*(Prijedlog Odluke o osnivanju  
Zajedničkog općinskog pravobraniteljstva.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

#### **Zaključak:**

- **Komisija za statutarna pitanja i propise predlaže da se u preambuli urade pravno tehničke ispravke u smislu da se u prvom redu briše riječ „člana“, iza navedenog stava 2. brišu se riječi „stav“ i navedu samo brojevi 3. i 4. , u drugom redu preambule iza riječi „broj 14/08“ dodaje se zatvorena zagrada, i iza riječi „Statuta Općine Vareš“ dodaje se crta. U članu 1. brišu se riječi „Općinsko vijeće Vareš, a iza riječi „Osniva“ dodaje se riječ „se“. U članu 7. stav 2. briše se riječ „će imati“ a dodaje riječ „ima“ i iza riječi „zamjenika“ briše se znak tačka a**

dodaju riječi „i viši samostalni referent“.U članu 8. stav 2. iza riječi „i zamjenika“ zamjenjuje se cijeli tekst sa riječima „utvrđuje se pismenim sporazumom, a svaka Općina snosi materijalne troškove zavisno od utroška materijala“, te da na kraju Prijedloga Odluke stoji tekst „Odluka objavljena na oglasnoj tabli Općine Vareš \_\_\_\_\_. 2013. godine“. Komisija Prijedlog Odluke o osnivanju Općinskog pravobranilaštva sa izmjenama upućuje Vijeću na razmatranje.

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe i stavove iznijeli vijećnici: Muftić Safeta i Mario Mirčić koji je predložio tehničku ispravku u članu 1. Prijedloga Odluke a odnosi se da se u članu 1. Odluke u prvom redu riječ „općine“ zamijeni sa riječju „općina“ ili sa riječima „općine Vareš i općine Olovo“.

Predsjedavajući OV je konstatovao da je ovlaštenu predlagač prihvatio iznesenu primjedbu.

Zaključena je rasprava i predsjedavajući OV stavio je na izjašnjanje Prijedlog Odluke o osnivanju Zajedničkog općinskog pravobraniteljstva sa usvojenim stavovima Komisije za statutarna pitanja i propise i prihvaćenim amandmanom od strane vijećnika Maria Mirčić.

Nakon izjašnjanja vijećnika predsjedavajući OV konstatuje da je sa **19 glasova „ZA“ usvojena**

***Odluka o osnivanju  
Zajedničkog općinskog pravobraniteljstva.***

**Ad. 5.**

*(Prijedlog Odluke o utvrđivanju platnih razreda  
i koeficijenata za obračun plaća  
u Općinskom pravobraniteljstvu Vareš.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

**Zaključak:**

- **Komisija za statutarna pitanja i propise predlaže sa se u preambuli Prijedloga Odluke u trećem redu brišu članovi 9., 20. i 21. , da se iza člana 60. doda riječ „stav 2. „te da na kraju Prijedloga Odluke stoji tekst „Odluka objavljena na oglasnoj tabli Općine Vareš \_\_\_\_\_. 2013. godine“. Komisija Prijedlog Odluke o utvrđivanju platnih razreda i koeficijenata za obračun plaća u Općinskom pravobranilaštvu sa izmjenama upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o utvrđivanju platnih razreda i koeficijenata za obračun plaća u općinskom pravobraniteljstvu Vareš sa stavovima Komisije za statutarna pitanja i propise.

Nakon izjašnjanja vijećnika predsjedavajući OV konstatuje da je sa **19 glasova „ZA“ usvojena**

***Odluka o utvrđivanju platnih razreda i koeficijenata  
za obračun plaća u Općinskom pravobraniteljstvu Vareš.***



## **Ad. 6.**

*(Prijedlog Odluke o prosječnoj konačnoj građevinskoj cijeni 1m<sup>2</sup> korisne stambene površine na području općine Vareš.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

- **Komisija za statutarna pitanja i propise nema primjedbi na Prijedlog Odluke o prosječnoj konačnoj cijeni 1m<sup>2</sup> korisne stambene na području općine Vareš za 2012. godinu, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prosječnoj konačnoj građevinskoj cijeni 1m<sup>2</sup> korisne stambene površine na području općine Vareš.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojena**

***Odluka o prosječnoj konačnoj građevinskoj cijeni 1m<sup>2</sup> korisne stambene površine na području općine Vareš.***

## **Ad. 7.**

*(Prijedlog Odluke o gubitku statusa javnog dobra u općoj upotrebi.)*

Komisija za statutarna pitanja i propise na 1. sjednici održanoj 21.01.2013. godine sa 3 glasa „ZA“, 1 glasom „PROTIV“ i 1 „SUZDRŽANIM“, glasom donijela slijedeći:

### **Zaključak:**

- **Komisija za statutarna pitanja i propise je većinom glasova prihvatila Prijedlog Odluke o gubitku statusa javnog dobra u općoj upotrebi, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Ismet Abdulahović, Mario Mirčić, predsjedavajući OV Zdravko Marošević, pomoćnik načelnika Ermin Musa koji je dao dodatno obrazloženje za ovu tačku dnevnog reda.

Vijećnik Ismet Abdulahović izjavio je da prihvata ponuđeni Prijedlog Odluke i predložio je zaključak da se u svim daljnjim postupcima prilikom predlaganja ovakvih odluka, traži saglasnost mjesne zajednice u skladu sa zakonom..

Zaključena je rasprava i predsjedavajući OV na osnovu prijedloga vijećnika Ismeta Abdulahovića, stavio je na izjašnjavanje slijedeći

### **Zaključak:**

- **U svim daljnjim postupcima prilikom dodjele zemljišta i izgradnje u mjesnim zajednicama općine Vareš, potrebno je sprovesti zakonsku proceduru (tražiti saglasnost i mišljenje mjesne zajednice) u skladu sa Zakonom.**

i Prijedlog Odluke o gubitku statusa javnog dobra u općoj upotrebi.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen predloženi Zaključak i**

***Odluka o gubitku statusa  
javnog dobra u općoj upotrebi.***

**Ad. 8.**

*(Prijedlog Odluke o visini naknade za uspostavljanje  
prava služnosti na zemljištu u državnom  
vlasništvu kojim upravlja i raspolaže Općina Vareš.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

**Zaključak:**

- **Komisija za statutarna pitanja i propise nema primjedbi na Prijedlog Odluke o visini naknade za uspostavljanje prava služnosti na zemljištu u državnom vlasništvu kojim upravlja i raspolaže Općina Vareš, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o visini naknade za uspostavljanje prava služnosti na zemljištu u državnoj vlasništvu kojim upravlja i raspolaže Općina Vareš..

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojena**

***Odluka o visini naknade za uspostavljanje  
prava služnosti na zemljištu u državnom  
vlasništvu kojim upravlja i raspolaže Općina Vareš.***

**Ad. 9.**

*(Prijedlog Odluke o izmjeni i dopuni  
Odluke o građevinskom zemljištu.)*

Komisija za statutarna pitanja i propise na 1. sjednici održanoj 21.01.2013. godine sa 4 glasa „ZA“ i 1 „SUZDRŽANIM“ glasom donijela je slijedeći

**Zaključak:**

- **Komisija za statutarna pitanja i propise je većinom glasova prihvatila Prijedlog Odluke o izmjeni i dopuni Odluke o građevinskom zemljištu, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni i dopuni Odluke o građevinskom zemljištu.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o izmjeni i dopuni  
Odluke o građevinskom zemljištu.***

## Ad. 10.

*(Nacrt Odluke o davanju u  
zakup stanova Općine Vareš.)*

Komisija za statutarna pitanja i propise na 1. sjednici održanoj 21.01.2013. godine jednoglasno je donijela slijedeći

- **Komisija za statutarna pitanja i propise nema primjedbi na Nacrt Odluke o davanju u zakup stanova Općine Vareš, s tim da se u preambuli Nacrta urade pravno-tehničke ispravke u smislu da se u trećem redu briše riječ „Općine“, da se prije riječi „sjednice“ ostavi mjesto za upis broja sjednice, te da se u članu 29. navede da Odluka stupa na snagu osmog dana od dana donošenja.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Zdravko Barkić, Dženana Bešić i pomoćnik načelnika Ermin Musa.

Vijećnik Zdravko Barkić ispred Kluba SDP izjavio je da nema primjedbi na predloženi Nacrt i traži da najkasnije za dva mjeseca, Stručne službe Općine pripreme cjelovitu analizu pregleda svih stanova kojima raspolaže Općina Vareš i koji su već stavljeni u funkciju u zakup i onih koji su trenutno slobodni. O prijedlogu je dao i obrazloženje.

Vijećnica Dženana Bešić izjavila je da je prijedlog vijećnika Zdravka Barkić prihvatljiv i sugerisala da se dostave i podaci, odnosno popis svih stanova koje je Općina Vareš prodala, gdje su sa kupcima potpisani ugovori u kojima su navedeni rokovi otplate, i tko vrši otplatu i kojom dinamikom.

Ispred predlagača Ermin Musa pomoćnik načelnika izjavio je da prihvata predložene prijedloge vijećnika iznesene u raspravi i da će traženi podaci biti dostavljeni uz Prijedlog Odluke u obrazloženju.

Zaključena je rasprava i predsjedavajući OV predložio je slijedeće

### **Zaključke:**

1. - **Utvrđuje se Nacrt Odluke o davanju u zakup stanova Općine Vareš.**
  - **Nacrt Odluke upućuje se na javnu raspravu u trajanju od 30 dana.**
  - **Zadužuje se Općinski načelnik i Služba za prostorno uređenje i obnovu da provedu javnu raspravu u skladu sa aktima Općinskog vijeća.**
  - **Prijedloge i sugestije s javne rasprave, predlagač će uzeti u razmatranje kod izrade prijedloga Odluke. Po završenoj raspravi, predlagač će sačiniti prijedlog Odluke i Izvještaj o sprovedenoj raspravi.**
  - **Zaključak stupa na snagu danom donošenja.**
2. **Zadužuje se ovlaštenu predlagač da kod izrade Prijedloga Odluke o davanju u zakup stanova Općine Vareš, Vijeću dostavi cjelovitu analizu svih stanova kojima raspolaže Općina Vareš, stanovi koji su već stavljeni u funkciju u zakup, koji su trenutno slobodni, popis svih stanova koje je Općina Vareš prodala gdje su sa kupcima potpisani ugovori i tko vrši otplatu i kojom dinamikom.**

Predsjedavajući OV stavio je na izjašnjavaње predložene Zaključke i Nacrt Odluke o davanju u zakup stanova Općine Vareš.

Nakon izjašnjavaња vijećnika predsjedavajući OV konstatuje da su **jednoglasno usvojeni predloženi Zaključci i Nacrt Odluke o davanju u zakup stanova Općine Vareš.**

#### **Ad. 11.**

*(Prijedlog Rješenja o utvrđivanju prava korištenja u korist Botić (Zaima) Abdulaha iz Vareša, ul. Pruga.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o utvrđivanju prava korištenja u korist Botić (Zaima) Abdulaha iz Vareša, ul. Pruga.

Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje o utvrđivanju prava korištenja u korist Botić (Zaima) Abdulaha iz Vareša, ul. Pruga.***

#### **Ad. 12.**

*(Prijedlog Rješenja o prestanku prava korištenja na gradskom zemljištu DI „Zvijezda“ d.d. Vareš.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava korištenja na gradskom zemljištu DI „Zvijezda“ d.d. Vareš.

Nakon izjašnjavanja vijećnika predsjedavajući OV konstatuje da je sa **jednoglasno usvojeno**

***Rješenje o prestanku prava korištenja na gradskom zemljištu DI „Zvijezda“ d.d. Vareš.***

#### **Ad. 13.**

*(Prijedlog Rješenja o vraćanju u prvobitno stanje upisa u zemljišnim knjigama po Rješenju OV Vareš, broj: 01-131/99 od 04.10.1999. godine.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o vraćanju u prvobitno stanje upisa u zemljišnim knjigama po Rješenju OV Vareš, broj: 01-131/99 od 04.10.1999. godine.

Nakon izjašnjavanja vijećnika predsjedavajući OV konstatuje da je sa **jednoglasno usvojeno**

***Rješenje o vraćanju u prvobitno stanje upisa u zemljišnim knjigama po Rješenju OV Vareš broj: 01-131/99 od 04.10.1999. godine***

Predsjedavajući OV dao je pauzu u trajanju od 30 minuta.

Nakon pauze nastavljeno je sa radom današnje sjednice.

#### **Ad. 14.**

*(Prijedlog Zaključka o davanju saglasnosti za deponovanje smeća sa područja općina Breza na deponiju „Kota“ Vareš. )*

Ovlašteni predlagač Općinski načelnik dao je uvodne napomene i dodatna pojašnjenja za ovu tačku dnevnog reda. S obzirom da se u javnosti prezentuju informacije da se na gradsku deponiju „Kota“ dovozi otpad od strane „Perutnine Ptuj“ iz Breze i Kakanja, upoznao je Vijeće da je u vezi toga poslan upit JP „Vodokom“ d.o.o. Kakanj, na koji je dostavljen i odgovor broj: 3206-5/13 od 29.01. 2013. godine u kome su nas obavijestili da JP „Vodokom“ d.o.o. Kakanj ima sklopljen ugovor za vršenje usluga animalnog otpada sa preduzećem „Perutnina Ptuj“ iz Breze broj: 6272-5/12 od 06.07. 2012. godine. U prilogu je dostavljeno i Rješenje Kantonalne uprave za inspekcijske poslove broj: 18/13-01-23-6645/10 od 13.12.2010. godine u kome je naloženo da „Perutnina Ptuj“ d.o.o. Breza obavezno otpad iz pogona prehrambene industrije, odnosno pogona za preradu pilećeg mesa, uskladišti, reciklira i odloži na okolinski prihvatljiv način i da sklopi Ugovor sa ovlaštenim operatorom koji posjeduje dozvolu za upravljanje otpadom za prikupljanje takvih otpada, te transport otpadnih materija do pogona ovlaštenih operatora, pod uslovom da se poduzmu sve sigurnosne mjere kako bi se spriječilo rasipanje otpada prilikom transporta. Odgovor na upit sa prilogom Rješenja, vijećnici su dobili prije početka današnje sjednice. Na kraju izlaganja, Općinski načelnik je zamolio je vijećnike da prvenstveno u interesu lokalne zajednice podrže Prijedlog Zaključka.

Predsjedavajući OV podsjetio je prisutne da je Neformalna grupa građana „Let' s do it“ Vareš uputila Općinskom vijeću Vareš dopis-mišljenje u vezi ove tačke dnevnog reda i da je kopija istog dostavljena i svim vijećnicima.

Otvorena je rasprava u kojoj su svoje prijedloge, primjedbe, stavove i mišljenja iznijeli vijećnici: Elvir Rožajac, Safeta Muftić, Demo Kevrić, Goran Selak, Mario Mirčić, Ismet Abdulahović, Boško Andrić, Zdravko Barkić, predsjedavajući OV i Općinski načelnik koji je izjavio da prihvata prijedlog vijećnika Maria Mirčić i sugestiju vijećnika Gorana Selak koja se odnosi na dodatnu civilnu kontrolu u provođenju ovog Zaključka, a sva ekstra dobit koja se ostvari po ovom osnovu, da o njenoj preraspodjeli odlučuje Općinsko vijeće u skladu sa pozitivnim zakonskim propisima. U slučaju potpisivanja ugovora, isti bi se dostavio svim vijećnicima. Podsjetio je prisutne da je potpisan prvi ugovor sa Federalnim ministarstvom za zaštitu okoliša na osnovu kojeg bi se trebala započeti sanacija i pravljenje jedne regionalne deponije po svjetskim i evropskim standardima. Također je izvijestio prisutne da ima saznanja da su Općini Vareš odobrena sredstva u iznosu od 90.000 KM za nastavak implementacije drugog dijela programa (postavljanje pred pristupnih rampi, reciklaža smeća i dr.).

Vijećnik Mario Mirčić ispred Kluba hrvatske koalicije HDZ-NSS-NHI predložio je da se u tački I iza riječi „uz naknadu“ dodaju riječi „na period od šest mjeseci“, te da se u tački V doda novi stav 2. koji glasi: „U slučaju kršenja tačke II Zaključak se odmah stavlja van snage, a Ugovor iz tačke III se raskida.“

Predsjedavajući OV dao je pauzu u trajanju 10 minuta radi konsultacija u Klubovima vijećnika.

Nakon pauze nastavljeno je sa raspravom u kojoj su učestvovali vijećnici: Dženana Bešić, Mario Mirčić, Safeta Muftić, Ismet Abdulahović, Zdravko Barkić, predsjedavajući OV i Općinski načelnik.

Vijećnik Mario Mirčić ispred Kluba hrvatske koalicije HDZ-HSS-NHI, predložio je dopunu ranije predloženih prijedloga i to: da se u tački IV Zaključaka iza riječi „šest mjeseci“ dodaju riječi „a dobit će se utrošiti za nabavku potrebnih sredstava za održavanje puteva i javnih površina.“, te da u tački V stav 1. glasi: „Nadzor provođenja Zaključka obavljat će komunalno-građevinski inspektor Općine Vareš uz predstavnike nevladinog sektora.“

Vijećnik Zdravko Barkić predložio je da se provjeri informacija na koju je vijećnik Ismet Abdulahović skrenuo pažnju, a koja se odnosi na to da smeće „Perutnine Ptuj“ Breza koje je deponovano na odlagalište Koritnik Breza, potom prebačeno na stadion Banjevac u Brezi, dovozi na deponiju „Kota“ Vareš.

Općinski načelnik je na osnovu datih prijedloga u raspravi predložio slijedeći

#### **Zaključak:**

- **Daje se saglasnost za deponovanje kućnog smeća sa područja općina Breza na gradsku deponiju „Kota“ uz naknadu, na period od šest (6) mjeseci sa mogućnošću produženja,**
  - **Saglasnost se odnosi samo na kućno smeće i transport kućnog smeća isključivo vozilima JKP d.o.o. Vareš,**
  - **Sva prava i obaveze kao i visina naknade će biti regulisane ugovorom između Općine Vareš i JKP d.o.o. Vareš, sa jedne strane, te Općine Breza i nadležnog komunalnog preduzeća, sa druge strane,**
  - **Zadužuje se Općinski načelnik i menadžment JKP d.o.o. Vareš da informišu Općinsko vijeće Vareš o finansijskim elementima realizacije ugovora jedanput u šest mjeseci, a dobit po ostvarenom ovom poslu usmjerit će se za nabavku novih sredstava unutar JKP d.o.o. Vareš s ciljem boljeg održavanja komunalne čistoće i komunalnog reda.**
  - **Nadzor provođenja ovog Zaključka obavljat će komunalno-građevinski inspektor Općine Vareš.**
- U slučaju kršenja odredbi ovog Zaključka isti se stavlja van snage a monitoring za provođenje kompletnog Zaključka uz komunalno-građevinskog inspektora Općine Vareš vršit će i nevladin sektor i građani općine Vareš.**

Zaključena je rasprava i predsjedavajući OV stavio je na izjašnjanje Prijedlog Zaključka o davanju saglasnosti za deponovanje smeća sa područja općine Breza na deponiju „Kota“ Vareš uz dopune Općinskog načelnika.

Nakon izjašnjanja vijećnika predsjedavajući OV konstatuje da je sa **10 glasova „ZA“**, **7 glasova „PROTIV“** i **2 „SUZDRŽANA“** glasa usvojen

#### ***Zaključak o davanju saglasnosti za deponovanje smeća sa područja općine Breza na deponiju „Kota“ Vareš.***

Predsjedavajući OV predao je vođenje sjednice zamjenici predsjedavajućeg OV Mahiri Brkić, jer je na kratko iz opravdanih razloga morao napustiti današnju sjednicu.

#### **Ad. 15.**

*(Prijedlog Zaključka o izradi prečišćenog teksta Odluke o komunalnim taksama.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i zamjenica predsjedavajućeg OV stavila je na izjašnjanje Prijedlog Zaključka o izradi prečišćenog teksta Odluke o komunalnim taksama.

Nakon izjašnjanja vijećnika zamjenica predsjedavajućeg OV konstatuje da je sa **15 glasova „ZA“** i **3 „SUZDRŽANA“** glasa usvojen

***Zaključak o izradi prečišćenog  
teksta Odluke o komunalnim taksama.***

**Ad. 16.**

*(Prijedlog Zaključka o izradi prečišćenog teksta  
Odluke o utvrđivanju standarda i kriterija  
za imenovanje na pozicije u regulirane organe.)*

Predlagач nije imao dodatno obrazloženje za ovu tačku dnevnog reda.

Otvorena je rasprava u kojoj je učestvovao vijećnik Mario Mirić i sekretar OV Leon Pavlović, koji je na traženje vijećnika Maria Mirčić, dao obrazloženje za ovu tačku dnevnog reda.

Zamjenica predsjedavajućeg OV stavila je na izjašnjavanje Prijedlog Zaključka o izradi prečišćenog teksta Odluke o utvrđivanju standarda i kriterija za imenovanje na pozicije u regulirane organe.

Nakon izjašnjavanja vijećnika zamjenica predsjedavajućeg OV konstatuje da je sa **15 glasova „ZA“ i 3 „SUZDRŽANA“ glasa usvojen**

***Zaključak o izradi prečišćenog teksta  
Odluke o utvrđivanju standarda i kriterija  
za imenovanje na pozicije u regulirane organe.***

**Ad. 17.**

*(Prijedlog zaključka o prihvatanju  
Inicijative Općinskog načelnika  
o pokretanju postupka za prekategorizaciju puteva. )*

Predlagач nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Elvir Rožajac, Almir Ciriković, Nikola Šimić, Zdravko Barkić, Tajiba Brkić i Općinski načelnik koji je dao dodatno pojašnjenje za ovu tačku dnevnog reda i odgovore na neka izlaganja vijećnika u raspravi, te objašnjenje za postupak pokretanja Inicijative za prekategorizaciju puteva navedenih u Inicijativi.

Zaključena je rasprava i zamjenica predsjedavajućeg OV stavila je na izjašnjavanje Prijedlog Zaključka o pokretanju Inicijative Općinskog načelnika o pokretanju postupka za prekategorizaciju puteva.

Nakon izjašnjavanja vijećnika zamjenica predsjedavajućeg konstatuje da je **jednoglasno usvojen**

***Zaključak o pokretanju Inicijative  
Općinskog načelnika o  
postupku za prekategorizaciju puteva.***

## Ad. 18.

*(Informacija o stanju napajanja električnom energijom na području općine Vareš i mjerama na poboljšanju iste.)*

Zamjenica predsjedavajućeg OV podsjetila je prisutne da su na današnju sjednicu pozvani rukovodioci „Elektrodistribucije“ gosp. Tomo Lučić i gosp. Begić Enes.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Elvir Rožajac, ispred MZ Vijaka Zdravko Marošević, Tajiba Brkić, Demo Kevrić koji je sugerisao da s obzirom Općinski načelnik trenutno nije prisutan na sjednici OV, da se ne ide sa daljim radom sjednice, te Dženana Bešić koja je dala komentar na sugestiju vijećnika Đeme Kevrić.

Zamjenica predsjedavajućeg OV dala je pauzu u trajanju od 10 minuta na traženje Kluba vijećnika BPS.

Nastavak vođenja sjednice, zamjenica predsjedavajućeg OV predala je predsjedavajućem OV.

Predsjedavajući OV prije nastavka rasprave po ovoj tački dnevnog reda skrenuo je pažnju na odredbe Poslovnika o radu OV koje se odnose na način javljanja i dužinu trajanja izlaganja vijećnika u raspravi. U vezi s tim traži od nadležnih da se za potrebe rada sjednica OV izrade kartoni za nazivom „Replika“ koje će vijećnici koristiti prilikom javljanja za repliku u raspravi. Također je dao svoje mišljenje u vezi povremenih izlazaka Općinskog načelnika sa sjednice Vijeća, radi obavljanja određenih poslova, te da su na sjednici prisutni pomoćnici općinskog načelnika koji mogu dati dodatna objašnjenja.

Za riječ se javila vijećnica Mahira Brkić i dala objašnjenje u vezi izlaganja vijećnice Dženane Bešić, koje se odnosi na javljanje vijećnika za repliku.

Nastavljeno je sa raspravom u kojoj su učestvovali vijećnici: Demo Kevrić, Nikola Šimić, Mato Pavić i predsjedavajući OV.

Zaključena je rasprava i predsjedavajući OV stavio je na izjašnjavanje Informaciju o stanju napajanja električnom energijom na području općine Vareš i mjerama na poboljšanju iste i na osnovu iznesenih primjedbi, prijedloga i problema u mjesnim zajednicama općine Vareš (često nestajanje električne energije) sugerisao da se Informacije rade sa unosom više podataka, radi efikasnijeg rada Vijeća.

Za riječ se javio Općinski načelnik i na osnovu diskusija koje su vođene u raspravi predložio je da se Informacija vrati na dopunu nadležnoj Službi sa iznesenim primjedbama u raspravi i da se prilikom razmatranja iste na narednoj sjednici, obezbjedi prisustvo predstavnika Elektro distribucija.

Na osnovu prijedloga Općinskog načelnika i prijedloga vijećnika u raspravi, predsjedavajući OV predložio je slijedeći

### **Zaključak:**

- **Informacija o stanju napajanja električnom energijom na području općine Vareš i mjerama na poboljšanju iste, vraća se nadležnoj službi na dopunu, vezano za iznesene primjedbe i sugestije u raspravi. Zadužuje se nadležna služba organa uprave da stupi u kontakt, odnosno uputi dopis prema svim mjesnim zajednicama općine Vareš, da predsjednici mjesnih zajednica sačine Informaciju o stanju napajanja električnim energijom u svojim mjesnim zajednicama i istu dostave prema korisničkim službama, odnosno nadležnim u Elektro distribucijama i nadležnoj službi Općine.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**



## **Ad. 19.**

*(Informacija o realizaciji Programa kapitalnih ulaganja na području općine Vareš u 2012. godini.)*

Predlagач nije imao dodatno obrazloženje za ovu tačku dnevnog reda.

Nije bilo rasprave i predsjedavajući OV stavio je na izjašnjavanje Informaciju o realizaciji Programa kapitalnih ulaganja na području općine Vareš u 2012. godini.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o realizaciji Programa kapitalnih ulaganja na području općine Vareš u 2012. godini.***

## **Ad. 20.**

*(Izveštaj o provođenju Programa finansiranja komunalnih djelatnosti u 2012. godini.)*

Ermin Musa pomoćnik načelnika izvijestio je Vijeće da je dostavljena dopuna Informacije svim vijećnicima, a na osnovu donesenog Zaključka o dopuni Informacije sa Kolegija OV.

Otvorena je rasprava u kojoj su učestvovali vijećnici: Goran Selak, Zdravko Barkić, Elvir Rožajac i Ermin Musa pomoćnik načelnika koji je dao odgovore na postavljena pitanja vijećnika Zdravka Barkić koja se odnose na nadzor poslova koje izvršava JKP d.o.o. Vareš i prekoračenje stavki za održavanje planiranih u budžetu: - Kad su u pitanju poslovi koje obavlja JKP d.o.o. Vareš o tome se sklapaju ugovori za gradsku higijenu, odnosno čišćenje grada u ljetnom periodu i zimsko održavanje ulica. U tom ugovoru je određen i Nadzorni organ a to je komunalno-građevinski inspektor koji potpisuje svaki dnevni nalog i na kraju mjesečne fakture. Što se tiče prekoračenja stavki za zimsko održavanje izjavio je da su u budžetu planirana sredstva za održavanje puteva i da je Općina Vareš u prošloj godini dobila određena sredstva kao pomoć od drugih općina za te namjene.

Za riječ se javio i Općinski načelnik koji je u svom izlaganju upoznao prisutne o aktivnostima koje je poduzeo u Federalnoj upravi civilne zaštite i na osnovu njihovog uputstva poslan je zahtjev preko Kantonalne uprave za civilnu zaštitu prema Vladi Federacije a sve u cilju odobrenja novčanih sredstava za troškove zimskog održavanja. Vlada Federacije je donijela Odluku po kojoj je Općina Vareš jedina općina u ZE-DO kantonu kojoj nisu odobrena novčana sredstva za elementarnu nepogodu iz prošle godine iz razloga što je Općina Vareš dobila jednokratne socijalne pomoći u prošloj godini od strane drugih općina. O tome je dao i svoje mišljenje.

Zaključena je rasprava i predsjedavajući OV stavio je na izjašnjavanje Izveštaj o provođenju Programa finansiranja komunalnih djelatnosti u 2012. godine.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 2 „SUZDRŽANA“ glasa usvojen**

***Izveštaj o provođenju Programa finansiranja komunalnih djelatnosti u 2012. godini.***

## **Ad. 21.**

*(Informacija o stanju kanalizacione mreže u gradu i mjesnim zajednicama u kojima postoji kanalizaciona mreža.)*

Predlagač nije imao dodatno obrazloženje za ovu tačku dnevnog reda.

Predsjedavajući OV upoznao je prisutne da je svim mjesnim zajednicama općine Vareš upućen upit u kome se traži da dostave informaciju o stanju u svojim mjesnim zajednicama (stanje objekata, infrastrukture i dr.)

Otvorena je rasprava u kojoj je učestvovao vijećnik Elvir Rožajac koji je skrenuo pažnju na problem kanalizacione mreže u MZ Ravne.

Zaključena je rasprava i predsjedavajući OV stavio je na izjašnjanje Informaciju o stanju kanalizacione mreže u gradu i mjesnim zajednicama u kojima postoji kanalizaciona mreža.

Nakon izjašnjanja vijećnika predsjedavajući OV konstatuje da je **jednoglasno usvojena**

***Informacija o stanju kanalizacione mreže u gradu i mjesnim zajednicama u kojima postoji kanalizaciona mreža.***

## **Ad. 22.**

*(Izveštaj o realizaciji Programa rekonstrukcije, izgradnje i obnove lokalnih i nerazvrstanih cesta za 2012. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Zdravko Barkić, Nikola Šimić, predsjedavajući OV i Ermin Musa pomoćnik načelnika koji je dao dodatno pojašnjenje za ovu tačku dnevnog reda i odgovorio na neka pitanja vijećnika postavljena u raspravi.

Vijećnik Zdravko Barkić je predložio da prilikom daljnjih sklapanja ugovora na osnovu raspisanih tendera, Stručne službe organa uprave, malo više analiziraju ponude koje dobivaju za određene infrastrukturne objekte.

Zaključena je rasprava i predsjedavajući OV stavio je na izjašnjanje Izveštaj o realizaciji Programa rekonstrukcije, izgradnje i obnove lokalnih i nerazvrstanih cesta za 2012. godinu cesta uz slijedeći

### **Zaključak:**

- **Zadužuje se nadležna Služba organa uprave da sačini Informaciju sa detaljnom analizom vezano za finansijska sredstva i Ugovore koji su sačinjeni za dionice puta Strica-Zaruđe i Žalja-Neprivaj, te da istu dostavi Vijeću na razmatranje.**

Nakon izjašnjanja vijećnika predsjedavajući OV konstatuje da je sa **17 glasova „ZA“** i **1 „SUZDRŽANIM“** glasom usvojen predloženi Zaključak i

***Izveštaj o realizaciji Programa rekonstrukcije, izgradnje i obnove lokalnih i nerazvrstanih cesta za 2012. godinu.***

## Ad. 23.

### (Tekuća pitanja)

1. Predsjedavajući OV upoznao je prisutne da je Kolegiju OV dostavljena Informacija od strane Općinskog načelnika, u vezi Zaključka Općinskog vijeća kojim se zadužuje Općinski načelnik da u skladu sa Zakonom raspiše javni tender, odnosno poziv za odabir nezavisnog revizora koji će sa 15.11.2012. godine uraditi reviziju poslovanja organa uprave i nakon toga Vijeće upoznati sa Izvještajem o reviziji.  
Za riječ se javio Općinski načelnik koji je u svom izlaganju predložio da se navedeni Zaključak stavi van snage, jer ponuda koja je dostavljena za pružanje usluga revizorske kuće „Revik“ iznosi 60.840,00 KM (sa PDV-om) a Općina Vareš trenutno nije u finansijskoj mogućnosti da izdvoji navedena sredstva za pružanje tih usluga, a u vezi toga bi bilo potrebno uraditi i rebalans budžeta.  
U daljnjoj diskusiji učestvovao je i vijećnik Zdravko Barkić koji je skrenuo pažnju i na aktuelni problem naknade za koncesije eksploatacije šuma.  
Predsjedavajući OV podsjetio je prisutne da je po Programu rada OV za 2013. godinu u februaru mjesecu tekuće godine, planirano razmatranje Informacije o realizaciji preporuka iz Izvještaja o reviziji finansijskog izvještaja Općine Vareš, datih od strane Ureda za reviziju institucija u FBiH.  
Za riječ se javio Općinski načelnik i izvijestio prisutne da je prema ŠPD i nadležnim institucijama upućivan zahtjev za dostavu otvorenih stavki, ali da oni to uporno odbijaju. Na osnovu toga i na osnovu diskusije vođene u raspravi, Općinski načelnik predložio je slijedeće

### Zaključke:

1. **Stavlja se van snage Zaključak sa 3. sjednice OV od 27.12.2012. godine u vezi angažmana revizorske kuće, s obzirom da se na osnovu ponuda ovlaštenih kuća radi o sredstvima preko 60.000 KM, koja u budžetu Općine za 2013. godinu nisu planirana, pokušat ćemo ovaj zadatak uraditi našim kadrovima.**
2. - **Ovlašćuje se Općinski načelnik Avdija Kovačević, da u ime Općinskog vijeća Vareš, preduzme sve potrebne pravne radnje kod viših organa vlasti Federacije BiH i BiH u cilju zaštite interesa lokalne zajednice – Općine Vareš u postupku i kod donošenja Zakona o šumama ZE-DO kantona.**  
- **Ako ne dođe do implementacije, odnosno prihvatanja Inicijative Općinskog načelnika o izmjenama i dopunama Nacrta Zakona o šumama ZE-DO kantona koju je Vijeće prihvatilo na 3. sjednici održanoj 27.12.2012. godine sa obrazloženjem, ovlašćuje se Općinski načelnik da podnese krivičnu prijavu protiv predlagača Zakona kod nadležnih organa, sve u cilju interesa građana općine Vareš i dosljednog provođenja Evropske povelje o lokalnoj samoupravi i Zakona o principima lokalne samouprave u Federaciji Bosne i Hercegovine.**

Predsjedavajući OV stavio je na izjašnjavanje predložene Zaključke i nakon izjašnjavanja vijećnika konstatuje da su sa **17 glasova „ZA“ i 1 „SUZDRŽANIM“ glasom usvojeni predloženi Zaključci.**

2. Predsjedavajući OV upoznao je prisutne na dopis koji je dostavljen predsjedavajućem OV i Općinskom načelniku od strane MZ Dragovići a u vezi

stanja objekata putne, društvene i komunalne infrastrukture na području MZ Dragovići. Kopija istog dostavljena je članovima Kolegija OV. Predsjedavajući OV, na osnovu dopisa MZ Dragovići, predložio je slijedeći

**Zaključak:**

- **Zadužuje se Općinski načelnik da na narednoj sjednici informiše Vijeće o poduzetim aktivnostima na rješavanju problema u MZ Dragovići, vezano za dopis koji je Mjesna zajednica dostavila Vijeću.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

3. Predsjedavajući OV upoznao je prisutne da je Općinskom vijeću od strane JKP d.o.o. Vareš dostavljen dopis broj: 8-01/13 od 04.01.2013. godine a u vezi donesenih zaključaka Nadzornog Odbora JKP d.o.o. Vareš u kojima se traži od Općinskog vijeća usklađivanje postojećih Odluka o zaštitnim zonama i sugeriše formiranje komisije predstavnika Općine Vareš, JP ŠPD ZDK i JKP d.o.o. Vareš, koja će na terenu definisati zaštitne zone. Predsjedavajući OV, na osnovu navedenih zaključaka Nadzornog odbora JKP d.o.o. Vareš, predložio je slijedeći

**Zaključak:**

- **Na osnovu dopisa JKP d.o.o. Vareš broj: 8-01/13 od 04.01.2013. godine u kome su dostavljeni Zaključci Skupštine JKP d.o.o. Vareš sa kojima je poznato Vijeće, zadužuje se Općinski načelnik i nadležna služba da se pristupi usklađivanju i izradi Prijedloga Odluke o zaštitnim zonama, te da se ista za narednu sjednicu dostavi Vijeću na razmatranje.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

4. Predsjedavajući OV upoznao je prisutne da je JKP d.o.o. Vareš dostavilo dopis „Izvod otvorenih stavki“ a u vezi dugovanja Općine Vareš prema JKP d.o.o. Vareš u iznosu 102.337,83 KM na osnovu ispostavljenih faktura za obračunatu razliku između kalkulativnih i trenutnih cijena komunalnih usluga u 2012. godini. Predsjedavajući OV predložio je slijedeći

**Zaključak:**

- **Zadužuje se Općinski načelnik i Služba za privredu i finansije da Vijeću dostavi Informaciju, vezano za Izvod otvorenih stavki, dostavljen od strane JKP d.o.o. Vareš.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

5. Vijećnica Mahira Brkić obratila se Vijeću i podnijela Inicijativu za osnivanje Industrijske/poslovne zone na području općine Vareš. O predloženoj Inicijativi dala je obrazloženje i zamolila Općinskog načelnika i nadležne Službe da ovo pitanje razmotre .

Za riječ se javio Općinski načelnik koji se zahvalio vijećnici i izvijestio da Vijeće nema potrebe da se izjašnjava o podnesenoj Inicijativi, jer je to tekući posao i tekuća aktivnost organa uprave. Podsjetio je na Rješenje koje je Vijeće donijelo na današnjoj sjednici na osnovu kojeg je obezbjeđen lokalitet na Kramu i na osnovu ranije obavljenih razgovora sa resornim ministrom za privredu ZDK, u narednoj sedmici

Općina Vareš će aplicirati za tu industrijsku zonu. Također je upoznao prisutne o planiranim aktivnostima koje će se provesti u vezi industrijskih zona na općini Vareš, a vezane su i za Inicijativu vijećnice Mahire Brkić.

6. Vijećnica Dženana Bešić javila se za riječ i iznijela svoj lični stav i opažanje u vezi prethodne tačke, odnosno Inicijative vijećnice Mahire Brkić i odgovora Općinskog načelnika. Također je dala i objašnjenje na dio svog ličnog izlaganja u tački donošenja Zaključka o davanju saglasnosti za deponovanje kućnog smeća za područja općine Breza i izvinula se svima zbog možda žustrog stava i načina izlaganja u raspravi, navodeći razloge za to, te je podsjetila prisutne na navode u materijalima koji su dostavljeni kao prilog od strane Općinskog načelnika uz Zaključak o davanju saglasnosti za deponovanje smeća, a o kojima je bilo diskusije u raspravi, da se ne bi zloupotrijebili od strane vijećnika.
7. Vijećnica Tajiba Brkić javila se za riječ i u ime građana zamolila Općinskog načelnika da se izvrši poboljšanje javnog prevoza na području općine Vareš, jer je došlo do ukidanja pojedinih autobuskih linija.
8. Vijećnik Ismet Abdulahović javio se za riječ i skrenuo je pažnju na tekst koji je objavljen u listu „Bobovac“ a koji se odnosi na izvještavanje sa zadnje sjednice Vijeća. Sa sadržajem teksta upoznao je prisutne i skrenuo pažnju da dnevni list „Bobovac“ koji izvještava sa sjednica, treba da izvještava objektivno, nepristrano i onako kako je i bilo a ne da oni donose zaključke.

Sastavni dio ovog Zapisnika je audio zapis sjednice.

Sjednica je završena u 15 sati i 20 minuta.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVAJUĆI***

**Zdravko Marošević**